

**Uunga siunnersuut: Sanaartornermi neqerooruteqartitsisarneq pillugu Inatsisartut inatsisaata allanngortinneqarnissaa pillugu Inatsisartut inatsisaat nr. xx, xx. xxx 2020-meersoq**

**(Aningaasanut killigititassanik iluarsineq, atuuffinnik erseqqissaaneq, siumoortumik neqerooruteqartitsinani aamma isumaqatigiiffiusumik neqerooruteqartitsinani suliariumannittussarsiuussisarnissamik piunasaqaatit pillugit aalajangersakkat, siumoortumik nalunaaruteqartarnissamik atuutsitsilerneq kiisalu Neqerooruteqartitsisarnermut Maalaaruteqartarfik pillugu aalajangersakkanik atorunnaarsitsineq)**  
*(Ineqarnermut Attaveqaqatigiinnermullu Naalakkersuisoq )*

### *Pillugu*

**Sanaartornermut ataatsimiititaliap**

## **ILASSUTITUT ISUMALIUTISSIISUTAA**

**Siunnersuutip pingajussaaneerpeqarnerani tunniunneqartoq**

Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Justus Hansen, Demokraatit, siulittaasoq  
Inatsisartunut ilaasortaq Aqqaluaq B. Egede, Inuit Ataqtigii, siulittaasup tullia  
Inatsisartunut ilaasortaq, Erik Jensen Siumut  
Inatsisartunut ilaasortaq Nikkulaat Jeremiassen, Siumut  
Inatsisartunut ilaasortaq Pele Broberg, Partii Naleraq

Siunnersuut aappassaaneernerata kingorna pingajussaaneerpeqartinnagu ataatsimiititaliamut suliaannngortinneqarpoq.

### **1. Siunnersuutip aappassaaneerlugu Inatsisartut suliarineqarnera**

Siunnersuutip aappassaaneerlugu Inatsisartut suliarineqarnerani Sanaartornermut Ataatsimiititaliami suliarineqaqqittussanngornissaa kissaatigineqarpoq

### **2. Siunnersuutip ataatsimiititaliamit suliarineqarnera**

Ataatsimiititaliaq siunnersuutip suliarineqarnerani pingajussaaneerpeqarnera sioqqullugu

inatsit tunngavigalugu kammalaatersortoqalersinnaaneraniq aarlerinartoqarsinnaanera oqaluuserineqarpoq.

Danskit neqerooruteqartitsisarnermut inatsisaat pisortat ilaannut pisortanillu tapersorsorneqarlutik isumaqatigiissusiorsimasut pillugit § 6, imm. 3-mi allaqqavoq, ”Neqerooruteqartitsinerit tamaasa neqerooruteqartitsisup suliffeqarfiit aalajangersimasuinnaat tamatigut suliaqartussanngorlugit qinersinnaanngilai”. Ataatsimiititaliap paasinninnera malillugu oqaaseqatigiinnit taakkunannga suliffeqarfiit aalajangersimasuinnaat qinerneqartannginnissaat qulakkeerneqarpoq.

Naalackersuisut tamanna pillugu siunnersuutip pingajussaaneerlugu suliarineqarnerani oqaaseqaaqqullugit ataatsimiititaliamit kaammattuutigineqassaaq, tassa, kalaallit inatsisaanni aalajangersakkat assingusut allassimanngimmata.

Matumani siunnersuummi pisortanut inatsit pineqartoq ataatsimiititaliamit eqqumaffigineqarpoq, aammalu inatsisit allannguutaat ilaatigut suliaapput qulakkeerniarlugu, suliffeqarfiit minnerusut pisortat suliaqatigiinnit neqerooruteqarnissamut periarfissinniarlugit. Ataatsimiititaliamit naatsorsuutigineqarpoq siumoortumik neqerooruteqartitsinngikkaluarluni, isumaqatigiiffiusumillu neqerooruteqartitsinani suliaqatigiinnit tunniussinermi kommunit naligiissumik ingerlatsissasut taamatuttaarlu pineqartumi kommunit sulinerat Naalackersuisut nakkutigissagaat ataatsimiititaliamit naatsorsuutigineqarluni.

### **3. Ataatsimiititaliap inassuteqaatai**

Ataatsimiititaliap isumaqatigiittup siunnersuutip akuersissutigineqarnissaa inassutigaat

Taamatut oqaaseqarluni isumaliutissiisummillu allassimasutut paasinnilluni matumuuna ataatsimiititaliap siunnersuut pingajussaaniigassanngortippaa.

---

Justus Hansen  
Siulittaasoq

---

Aqqaluaq B. Egede  
Siulittaasup tullia

---

Erik Jensen

---

Nikkulaat Jeremiassen

---

Pele Broberg